



Ե.Տարի : Թիւ 3

Եռամսեայ թերթիկ
Օգոստոս 2019



Հրատարակութեամբ
Հ.Մ.Ը.Մ. Ալմելօ Մեկուսի շրջանի վարչութիւն

Մայիսի 25 ·

ՀԱՂՈՐԴԱԳՐՈՒԹԻՒՆ

Հ.Մ.Ը.Մ.Ի ԿԵՂՐՈՆԱԿԱՆ ՎԱՐՉՈՒԹԵԱՆ

Դ. ԼԻԱԳՈՒՄԱՐԻ



Հ.Մ.Ը.Մ.ի Կեղրոնական Վարչութեան քառամեայ նստաշրջանի (2015-2019) Դ. Լիագումար նիստերը տեղի ունեցան 8 եւ 9 Մայիս 2019ին, Աթէնքի մէջ, Յունաստան:

Լիագումարը ծանրացաւ միութեան 100ամեակի կեղրոնական ձեռնարկներուն արժեւորման վրայ, շեշտելով իրագործուած ձեռնարկներուն պատմական տարողութիւնն ու ապագայի իմաստով փորագրուած դրոշմներուն իրողութիւնը: Արդարեւ, միութեան 100ամեակի կեղրոնական ձեռնարկին զոյգ Վեհափառ հայրապետներուն հովանաւորութիւնը ու իրենց ներկայացուցիչներուն ներկայութիւնը, ինչպէս նաեւ Հայաստանի Հանրապետութեան նախագահին շնորհած նախագահութիւնն ու իր ու վարչապետին ներկայութիւնը մեծագոյն փաստերն էին 100ամեայ միութեան հանդէպ իրենց ունեցած յարգանքին ու գիտակցութեան:

Կեղրոնական Վարչութիւնը ստացաւ նաեւ Հայաստանի Հանրապետութեան վարչապետին յղած շնորհակալագիրը՝ ուղղուած Հայ Մարմնակրթական Ընդհանուր Միութեան, Հայաստան-սփիւռք կապերու զարգացման գծով միութեան ունեցած մեծ ներդրման ու ազգանպաստ գործունէութեան, ինչպէս նաեւ միութեան 100-ամեակին վերաբերող:

Կեղրոնական Վարչութիւնը բարձր գնահատեց Հ.Մ.Ը.Մ.-Հ.Ա.Ս.Կ.ի Վարչութեան եւ անդամներուն անսակարկ ու նուիրական աշխատանքը միութեան 100ամեակի կեղրոնական ձեռնարկներու յաջողութեան, ինչպէս նաեւ 100ամեակին նուիրուած Համա-Հ.Մ.Ը.Մ.ական 10րդ մարզախաղերուն ու Համա-Հ.Մ.Ը.Մ.ական 11րդ բանակումին յաջող աւարտը երաշխաւորող իրենց աշխատանքին ու գործակցութեան ուղղութեամբ: Լիագումարը շեշտեց նաեւ Հ.Մ.Ը.Մ.-Հ.Ա.Ս.Կ.ի Վարչութեան վերջին երկամեայ աշխատանքներուն թափն ու արձանագրած յաջողութիւնները, անդամարշաւի ու աշխատելառճի ծիրերէն ներս:

Կեղրոնական Վարչութիւնը յատուկ շեշտը դրաւ միութեան 100ամեակի ձեռնարկներուն յաջողութեան համար իրենց նիւթաբարոյական նպաստը սիրայօժար տրամադրած 10 կնքահայրներուն միութեանական գիտակցութեան ու ներդրումին, որոնց շնորհիւ կարելի եղաւ իրագործել միութեան 100ամեակի ձեռնարկները: Կեղրոնական Վարչութիւնը անդրադարձաւ նաեւ աշխարհասփիւռ Շրջանային ու



Մեկուսի Վարչութիւններուն նիւթաբարոյական աջակցութեան, որոնք յաւելեալ փայլք տուին 100ամեակի ձեռնարկներու յաջողութեան:

Կեդրոնական Վարչութիւնը իր գոհունակութիւնը փոխանցեց Շրջանային եւ Մեկուսի Վարչութիւններուն կազմակերպած 100ամեակի հանդիսաւոր ու արժանավայել ձեռնարկներուն ուղղութեամբ, որոնք միացան ամբողջացնելու Կեդրոնական Վարչութեան կազմակերպած հանդիսութիւններն ու նախաձեռնութիւնները:

Կեդրոնական Վարչութիւնը որդիական ու երախտագիտական զգացումներով անդրադարձաւ նաեւ Ն.Ս.Օ.Տ.Տ. Արամ Ա. Վեհափառ Հայրապետին միութեան շնորհած կոնդակի կողքին «Ս. Մեսրոպ Մաշտոց» շքանշանին յատուկ պարգևատրման, որ յաւելեալ կշիռ տուաւ 100ամեակի ձեռնարկներու եզրափակման:

Քննարկուեցան նաեւ Հ.Մ.Ը.Մ.ի աշխարհասփիւռ շրջաններու ներկայ իրավիճակն ու նորաստեղծ մասնաճիւղերու կարելիութիւնները, մանաւանդ Մոսկուայի եւ շրջակայքի մէջ գործադրուող աշխատանքները: Կեդրոնական Վարչութիւնը ծանրացաւ յաջորդող օրերուն Հ.Մ.Ը.Մ.ի Արցախի մասնաճիւղի հիմնադրութեան գործընթացին ու մանրամասնութիւններուն վրայ, շեշտելով սոյն մասնաճիւղին գոյութեան անհրաժեշտութիւնն ու հրամայականը:

Լիազումարը քննարկեց ու ճշդեց Երիտասարդական Ա. Համագումարի մանրամասնութիւններն ու ուղղութիւնը, որուն հիման վրայ ընթացան համագումարին աշխատանքները: Երիտասարդական Ա. Համագումարը իր աւարտին ընտրեց երեք անդամներ, որոնք որպէս հրաւիրեալ պիտի մասնակցին Պատգամաւորական 12րդ ժողովին ու համագումարի մտահոգութիւններն ու առաջարկները պիտի փոխանցեն:

Կեդրոնական Վարչութիւնը դրական ձեւով անդրադարձաւ Եւրոպայի մէջ ընթացք առած փոխադարձ գործակցութեան ու միջ մասնաճիւղային ձեռնարկներու նախաձեռնութիւնները, որոնք արդիւնքն էին Կեդրոնական Վարչութեան կազմակերպած Եւրոպայի ատենապետներու ժողովներուն: Արժարժուեցաւ նաեւ վերջին շաբաթներուն Լոս Անճելըսի մէջ գումարուած Ամերիկեան ցամաքամասի ատենապետներու ժողովի դրական անդրադարձն ու արդիւնքները:

Կեդրոնական Վարչութիւնը քննարկեց նաեւ Հոկտեմբեր 2019ին գումարելի Պատգամաւորական 12րդ ժողովին կապուած առաջարկներ, միութեան յառաջիկայ աշխատանքներու բարելաւման հեռանկարով: Քննարկուեցան նաեւ սկստուտական գիրքերու այժմեականացման վերջին հանգրուանի աշխատանքները, որոնք պիտի իրագործուին «Միհրան Շիմշիրեան Սկստուտական Ֆոնտ»ի միջոցով: Քննարկուեցան նաեւ մարզիկներու եւ մարզիչներու դաստիարակչական սեմինարներու անհրաժեշտութիւնն ու գործադրման մանրամասնութիւնները: Արժարժուեցան նաեւ «Մարզիկ» պաշտօնաթերթի, արհեստագիտական տեղեկատուութեանց, Հ.Մ.Ը.Մ.ի իրերու առցանց վաճառքի (online shop), Հ.Մ.Ը.Մ.ի թանգարանին ու հրատարակչութիւններուն կապուած մանրամասնութիւնները:

Կեդրոնական Վարչութիւնը քննարկեց նաեւ 100ամեակին առիթով հաստատուած «Հ.Մ.Ը.Մ.ի եկամտաբեր հիմնադրամ»ի (Endowment Fund) մանրամասնութիւնները ու եզրակացուց Կեդրոնական Վարչութեան կողմէ 100ամեակի կնքահայր եղբայրներու անունով յաւելեալ 50.000 ամ. Տոլարով օժանդակել սոյն

աշխատանքի յաջողութեան, ընդհանուր գումարը բարձրացնելով 100.000 ամ.
Տոլարի, ինչպէս նաեւ հետապնդել սոյն հիմնադրամը բարգաւաճեցնելու
կարելիութիւնները:



Կեդրոնական Վարչութիւնը իր Դ. Լիագումարի աւարտին կը հաստատէ,
որ սոյն քառամեակը որ կը զուգադիպէր միութեան հիմնադրութեան պատմական
նշանակութիւն ունեցող 100ամեակին, նշուեցաւ փառաշուք եւ արժանավայել ձեւով,
վեր առնելով միութեան հետապնդած արժէքներն ու արժանիքները ու շեշտելով անոր
ունեցած եւ շարունակուող անուրանալի եւ կենսական դերակատարութիւնը:

Հ.Մ.Ը.Մ.Ի

ԿԵԴՐՈՆԱԿԱՆ ՎԱՐՉՈՒԹԻՒ

Հ.Մ.Ը.Մ. Ի մասնաճիւղերու աճը

Այսպէս մեծցաւ եւ տարածուեցաւ ՀՄԸՄը:

Ստորեւ՝ մասնաճիւղերու աճը, ՀՄԸՄ-ի առաջին

Պատգամաւորական ժողովէն սկսեալ՝ 1974ին:

ՀՄԸՄ-ի երկրորդ Պատգամաւորական ժողովը
տեղի ունեցաւ 1979-ին՝ Կիպրոս:



Եղբ. Յակոբ Գագանջեան

1974- 28 մասնաճիւղ

1979- 46 մասնաճիւղ

1983- 55 մասնաճիւղ

1987- 57 մասնաճիւղ

1991- 62 մասնաճիւղ՝ Հայաստանը եւս կը
ներարուի:

1995- 83 մասնաճիւղ

1999- 87 մասնաճիւղ

2003- 90 մասնաճիւղ

2007- 99 մասնաճիւղ

2011- 102 մասնաճիւղ

2015- 104 մասնաճիւղ

2019- 111 մասնաճիւղ՝ Արցախը կը ներարուի, որպէս 111-րդ
մասնաճիւղը:



Homenetmen - ՀՄԸՄ Haigaz Deokmejian-ի հետ է:
Մայիսի 14

Հ.Մ.Ը.Մ.Ի ԵՐԻՏԱՍԱՐԴԱԿԱՆ Ա. ՀԱՄԱԳՈՒՄԱՐԸ ԱՇԽԱՏԱՆՔՆԵՐԸ ԱԻԱՐՏԵՑ ՅԱԶՈՂՈՒԹԵԱՄԲ

Շաբաթ, 11 Մայիսի երեկոյեան ժամը 7.30-ին, Աթենքի մէջ երկօրեայ իր աշխատանքները աւարտեց Հ.Մ.Ը.Մ.ի պատմութեան առաջին երիտասարդական համագումարը, որուն մասնակցեցան միութեան 17 շրջաններէն 39 երիտասարդ-երիտասարդուհիներ, շրջաններէ վարչական ներկայացուցիչներ, Հ.Մ.Ը.Մ.ի Յունաստանի Շրջանային Վարչութեան եւ Հ.Մ.Ը.Մ.ի Կեդրոնական Վարչութեան անդամներ:

Հ.Մ.Ը.Մ.ի Կեդրոնական Վարչութեան կազմակերպութեամբ եւ Յունաստանի Շրջանային Վարչութեան հիւրընկալութեամբ իրագործուած այս համագումարը առաջին օրը, Ուրբաթ, 10 Մայիսին, զեկուցումներու լոյսին տակ քննեց երեք նիւթեր.-
- «Հ.Մ.Ը.Մ.ի անդամակցութիւնը եւ քարոզչութիւնը երիտասարդութեան մօտ», զեկուցաբեր՝ Հ.Մ.Ը.Մ.ի «Մարզիկ» պաշտօնաթերթի խմբագիր Վիգէն Աւագեան:
- «Մարզախաղերու դերը Հ.Մ.Ը.Մ.ի նպատակներու հետապնդման մէջ», զեկուցաբեր՝ Հ.Մ.Ը.Մ.ի Կեդրոնական Վարչութեան անդամ Վիգէն Քորթեան:



Հ.Մ.Ը.Մ.Ի Երիտասարդական Ա. Համագումար Աթենք 2019

- «Հայապահպանում», զեկուցաբեր՝ Հրայր Քինյ. Նիկոլեան:

Շաբաթ օր, համագումարը շարունակեց իր աշխատանքները եւ լսեց չորս նոր զեկուցումներ՝ հետեւեալ նիւթերով-

- «Գաղութներէ ներս ազգային ինքնութեան պահպանման դժուարութիւններն ու առաջարկուած լուծումները», զեկուցաբեր՝ ՀՅԴ Բիւրոյի անդամ Մուրատ Փափագեան:

- «Երկրորդ հարիւրամեակին Հ.Մ.Ը.Մ.ի սկաուտութեան դիմագրաւած մարտահրաւերները», զեկուցաբեր՝ Հ.Մ.Ը.Մ.ի Կեդրոնական Վարչութեան անդամ Բագրատ Եսայեան:

- «Վաղուան կազմակերպութիւնը», զեկուցաբեր՝ ՀՅԴ Բիւրոյի անդամ Յովսէփ Տէր Գեորգեան:

- Հայաստանի եւ գաղութներու մէջ Հ.Մ.Ը.Մ.ի դիմագրաւած դժուարութիւնները եւ անոնց յաղթահարման համար առաջարկուած լուծումները», զեկուցաբեր՝ Գեորգ Յակոբճեան:

Զեկուցումներու կողքին, Հ.Մ.Ը.Մ.ի Կեդրոնական Վարչութեան անդամ Վիգէն Դաւթեան ներկայներուն ծանօթացուց միութեան ապագայ զարգացման ռազմավարական ծրագիրը:

ՀԱՄԱԳՈՒՄԱՐԻՆ ՓԱԿՈՒՄԸ

Համագումարին փակման նիստին, Հ.Մ.Ը.Մ.ի Յունաստանի Շրջանային Վարչութեան փոխ ատենապետ Հայկազ Տէօքմէքճեանի ընկերակցութեամբ, ժողովականներուն այցելեց եւ հայրական իր ողջոյնները փոխանցեց Յունաստանի Հայոց Թեմի Առաջնորդ Գեղամ Արք. Խաչերեան:

Գեղամ Սրբազան իր ուրախութիւնը յայտնեց Հ.Մ.Ը.Մ.ի մեծ ընտանիքի երիտասարդ ներկայացուցիչներուն մէջ գտնուելուն համար: Ան ըսաւ, որ Հ.Մ.Ը.Մ.ը արժանի է բոլորին յարգանքին եւ գնահատանքին: Հ.Մ.Ը.Մ.ը սրտամօտ է բոլորին: Ուր որ Հ.Մ.Ը.Մ. կայ այնտեղ հայութիւն կայ: Հ.Մ.Ը.Մ.ը կը գտնուի հայ կեանքին կեդրոնը:



Ապա, իր խօսքը ժողովականներուն ուղղելով, Գեղամ Սրբազան նշեց, որ Հ.Մ.Ը.Մ.ի երիտասարդական համագումարին քննարկած նիւթերը՝ հայ երիտասարդութիւնը եւ հայապահպանումը կը տազնապեցնեն բոլորը եւ, հետեւաբար, կարելի չէ չգնահատել նման համագումարի մը կազմակերպումը, որուն արդիւնքներէն պիտի օգտուին Հ.Մ.Ը.Մ.ը եւ Հ.Մ.Ը.Մ.ի ճամբով համայն ժողովուրդը:

Գեղամ Սրբազանի այցելութենէն ետք, համագումարը առաւ կարճ դադար մը, որմէ ետք մասնակիցները ընտրեցին երեք երիտասարդներ, որոնք խորհրդակցական ձայնով ներկայ պիտի գտնուին Հ.Մ.Ը.Մ.ի 12-րդ Պատգամաւորական Ընդհանուր Ժողովին (14-19 Հոկտեմբեր 2019, Հայաստան), ուր պիտի փոխանցեն համագումարին երիտասարդութեան կողմէ արտայայտուած միտքերը, մտահոգութիւնները, առաջարկներն ու ծրագիրները :

Համագումարը փակուեցաւ Հ.Մ.Ը.Մ.ի Կեդրոնական Վարչութեան ատենապետ Գառնիկ Մկրտիչեանի փակման խօսքով եւ «Յառաջ նահատակ» քայլերգով:



Այնուհետեւ, համագումարին կազմը ներկայ գտնուեցաւ ՀՅԴ Յունաստանի Երիտասարդական Միութեան եւ Հ.Մ.Ը.Մ.ի Յունաստանի Շրջանային Վարչութեան Մայիսեան յաղթանակներու ժողովրդային ճաշկերոյթ-խրախճանքին, որուն մասնակցեցան նաեւ նոյն օրը Աթէնքի մէջ ընթացք առած ՀՅԴ Եւրոպայի Երիտասարդական միութիւններու խորհրդաժողովին մասնակիցները:



Ծանօթ: Օրուայ ժողովին Հ.Մ.Ը.Մ. Ալմելօ Մեկուսի Շրջան ներկայացուցին Եղբ. Յակոբ Գասպարեան եւ Եղբ. Հովիկ Մովսէսեան ընկերութեամբ վարչութեան անդամ Եղբ. Լաֆֆի Թերզեանի :

ՄԿԱՌԻՏԱԿԱՆ



Հ.Մ.Ը.Մ. Ալմելօ Մեկուսի Շրջանի սկաուտները կ'նշեն Միութեանս տարեդարձը



Կիրակի 23 Յունիս 2019 Թ.ին Միութեանս սրահին մէջ ըստ սկաուտական հերթական հաւաքոյթներուն. միութեանս սկաուտները (*Եւս 23 Ամեակ աւարտուելէ ետք շարունակելու է պայքարը.*) կարգախօսով նշեցին Հ.Մ.Ը.Մ. Ալմելօ Մեկուսի Շրջանի հիմնադրութեան 23 Ամեակը:





Հ.Մ.Ը.Մ. ԱԼՄԵԼՕ ՄԵԿՈՒՄԻ ՇՐՋԱՆ HOMENETMEN ALMELO



SPONSOR ONS VOETBALTEAM VOOR HET SEIZOEN 2019-2020

VOOR MEER INFORMATIE: (06) 848-27-466 & (06) 219-65-767
DEADLINE 15 AUGUSTUS 2019

I

Հ.Մ.Ը.Մ. Ալմելո Մեկուսի Շրջանի սրահի ոտնագնդակի Ա.Խումբի (K.N.V.B) ԹԻՎԵՆԹԱ շրջանի 2018-19 տարեշրջանի Բ.Կարգի մրցաշարային նախորդ եռամսեայ մրցումներու արդիւնքները.-

- I. Homentmen vs voorwaarts 1 (4-8)
- II. Homentmen vs RDC 1 (6-9)

Միութեանս սրահի ոտնագնդակի խումբը եւս կ'շարունակէ իր մասնակցութիւնը բերելով 2019-20 տարեշրջանի Բ.կարգի մրցաշարերուն:



II

14 Յուլիս 2019 Թ. Միութեանս մարզական յանձնախումբը միութեանս սրահին մէջ կազմակերպեց (Մարզանքի Օր – Sport Dag) ի ձեռնարկ , ուր տեղի ունեցաւ զանազան մարզանքներու մրցումներ:

III

Կիրակի 30 Յունիս 2019 Թ.ին Միութեանս սրահի ոտնագնդակի խումբը մասնակցեցաւ Հ.Մ.Ը.Մ. Առնհեմ Մեկուսի Շրջանի կազմակերպած սկաուտական եւ Մարզական մարզահանդէսին: Մրցոյթին առաջնութիւնը արժանեցաւ միութեանս սրահի ոտնագնդակի խումբը



Ա.Կարգի Սեմինար

Կազմակերպութեամբ Հ.Մ.Ը.Մ. Ալմելո Մեկուսի Շրջանի սկաուտական խմբապետական, խորհուրդին եւ 12 սկաուտներու մասնակցութեամբ, տեղի ունեցաւ Հոլանդայի Borne քաղաքի (ST. Stephanos Martina) սկաուտական բանակավայրին մէջ 28-30-յունիս 2019 թ.ին. սկաուտական Ա.կարգի (տեսլական) դասընթացներու սեմինար:



Օրուայ տեսլական սեմինարին ընթացքին դասախօսուեցաւ զանազան սկաուտական, կրօնական, կազմակերպչական, պատմական եւ հայրենասիրական ներքեւ յիշեալ նիւթերը.-



-Ալմելօ-ի Ս.Գրիգոր Լուսաւորիչ Եկեղեցւոյ հոգեւոր հովիւ Տէր Մաշտոց քահանայ Պաղտասարեան դասախօսեց հետեւեալ հոգեւորական եւ կրօնական նիւթեր .-

Ա. Գաղափար ունենալ հայ առաքելական եկեղեցւոյ հինգ տաղաւարներուն մասին.

Բ.Ծանօթանալ հայ եկեղեցւոյ սրբազան Պատարագին.

Գ. Ծանօթանալ հայ յարանուանութիւններուն.



-Եղբ. Մեւան Գորգիսեան (սկաուտական խորհուրդի կողմէ) դասախօսեց հետեւեալ պատմական եւ ազգային նիւթեր.-

Ա.Հայ ժողովրդի պատմութիւնը (1880 – 1921) ժամանակահատուածին.

Բ. Արցախի պահանջատիրութիւնը.

Գ.Հայաստանի նորանկախ հանրապետութիւն.

Դ.Գիտնալ արդի հայաստանի

աշխարհագրութիւնը.



- Քոյր Փաթիլ Տատուրեան դասախօսեց հետեւեալ սկաուտական եւ կազմակերպչական նիւթեր.-

Ա.Ազգ եւ ժողովուրդ.

Բ.Սկաուտական ոգին.

Գ.Ծանօթացում Հ.Մ.Ը.Մ.ի սկաուտական ներքին կանոնագրին.


Դ. Սկաուտական աստիճանաւորներու կառոյցը.



-Եղբ. Յակոբ Գասպարեան դասախօսեց հետեւեալ սկաուտական նիւթեր.

Ա. Դրօշակի պատմութիւնը .

Բ. Հ.Մ.Ը.Մ.ի սկաուտական արարողութիւն.



-Քոյր Մարիամ Մխիթարեան դասախօսեց հետեւեալ սկաուտական նիւթեր.-


Ա. Բանակում

Բ. Խարուկահանդես.








-Քոյր Թանեա Ադումեան դասախօսեց (Խոհանոց եւ ճաշ) սկաուտական նիւթերը.




-Եղբ. Ռազմիկ Արամեան դասախօսեց Հետազոտական արշաւի նիւթը.




-Քոյր Սօնիեա Խաչատուրեան դասախօսեց Ըմպել ջուրի նիւթը.



-Քոյր Բոգա Մերջոեան դասախօսեց գիտնալ սկաուտական խումբ վարելու նիւթը.



-Եղբ. Սարգիս Միմօնեան դասախօսեց (ՄՕՐՄ-ի այբ ու բէն) նիւթը.



A	••	J	••••	S	••••
B	••••	K	••••	T	••••
C	••••	L	••••	U	••••
D	••••	M	••••	V	••••
E	••••	N	••••	W	••••
F	••••	O	••••	X	••••
G	••••	P	••••	Y	••••
H	••••	Q	••••	Z	••••
I	••••	R	••••		





ՄԱՅԻՍ 28

Ուրբաթ Մայիս 31. 2019 Թ.ին միութեան սկաուտները մասնակցեցան հայաստանի առաջին հանրապետութեան 101 ամեակ (ՄԱՅԻՍ 28)ի , Հոլանդայի ՀՅԴ Արամ Մանուկեան Կոմիտէի կազմակերպած բացման արարողութեան տօնակատարութեան:



Յարգանքի տուրք

4 Մայիս 2019թ. Ալմեյո-ի Մ.Գրիգոր Լուսաւորիչ Եկեղեցւոյ ներկայացուցիչները միասնաբար Հ.Մ.Ը.Մ.Ալմեյո մեկուսի շրջանի ներկայացուցիչ Եղբ. Ռուբէն Օհանեան եւ Ալմեյո քաղաքապետարանի խորհուրդի անդամ Պր. Ռուբէն Գելեջի հետ, Ալմեյո քաղաքին մէջ կառուցուած յուշարձանին մօտ, Ալմեյոի Հայ համայնքի անունով, Սկաուտական թափորով յարգանքի տուրք մատուցանեցին համաշխարհային երկրորդ պատերազմի նահատակներուն:



ՄԱՐԶԻԿ

38-րդ տարի

թիւ 413



Հ.Մ.Ը.Մ. Առնհեմ Մեկուսի Շրջանի Սկաուտական եւ Մարզական մարզահանդես




Կիրակի 30 Յունիս 2019 Թ.ին Միութեանս սրահի ոտնագնդակի խումբը մասնակցեցաւ Հ.Մ.Ը.Մ. Առնհեմ Մեկուսի Շրջանի կազմակերպած սկաուտական եւ Մարզական մարզահանդեսին :



Օրուայ մարզահանդեսին մասնակցեցան Հ.Մ.Ը.Մ. Առնհեմի ,Ալմելո-ի,Ալքմառ եւ Հոլանտայի Հ.Բ.Ը.Մ.ան սրահի ոտնագնդակի մարզական խմբերը:

Հ.Մ.Ը.Մ. Առնհեմի սկաուտները բացման եւ դրօշակի բարձրացման արարողութիւնները կատարելէ ետք միութեանը ատենապետ Եղբ. Լիպարիտ Միմոնեան ընթերցեց ներկաներուն մարզահանդեսի բացման խօսքը , եղբայրը իր խօսքին մէջ շեշտեց միասնութեան բառի կարեւորագոյնը արտասանելով « այս տարի եւս, նախաձեռնեցինք այս մարզահանդեսը, սակայն մեր հիմնական նպատակը եղաւ ներգրաւել հայկական տարբեր միութիւններու մասնակցութիւնը, հիմնուելով «Հայու ուժը իր միասնութեան մէջ է» . շարունակելով Եղբայրը անդրադարձաւ Հ.Մ.Ը.Մ. ն ընդհանուր ռազմավարութեան մասին, որը եղած են ազգային, մարզական, սկաուտական դաստիարակութիւնը գոյատեւման ենթարկելը:





Բացման խօսքի ասարտին Եդր.Ատենապետը ընթերցեց Հ.Հ. Դեսպանի օրուայ կազմակերպուած միջոցառման ուղերձը . ուր ետք փոխանցեց մասնակից խումբերու ներկայացուցիչներուն յուշանուէրներ:



Ընդհանուր Սկաուտական տողանցքի ասարտին տեղի ունեցաւ փողկապի ստացման եւ փոխանցման արարողութիւններ , ուր ետք հայկական մշակութիւնը ներկայ գտնուեցաւ (Նայմեխին քաղաքի Վան միութեան) պարախումբի կատարած շքեղ պարային միջոցառումներով:





Ընդհանուր սկաուտական եւ մարզական տողանցքի աւարտին յիշեալ սրահի ոտնագնդակի մասնակից խմբերը անցան մրցաշարին. Մրցոյթին առաջնութիւնը արժանեցաւ միութեանս սրահի ոտնագնդակի խումբը (Շնորհաւոր եւ վարձքերդ «մարզիչով, խումբի վարիչներով եւ ապա խմբի մարզիկներով» կատար):



Օրուայ միջոցառումը աւարտուեցաւ բաժակի եւ մեդալներու բաշխումով ապա շքեղ խրախճանքով:




Հայոց ցեղասպանութեան 104-րդ ամեակը, Ապրիլ 24 . 2019

Ինչպէս ամէն տարի այս տարի եւս ՀՄԸՄ Ալմելօ մեկուսի շրջանը իր մասնակցութիւնը բերաւ հայոց ցեղասպանութեան 104րդ ամեակին նուիրուած միջոցառումներուն:

Ապրիլի 23-ին, միութեանս սկաուտները եւ անդամները մասնակցեցան Հագայի մեջ հոլանդահայ միութիւններու կողմէ կազմակերպուած ցոյցին եւ քայլարշաւին : Ցուցարարներին կառաջնորդէին ,ինչպէս միշտ , սկաուտները իրենց տարագով եւ հայաստանի եւ ՀՄԸՄ ի դրօշներով :

Ապրիլ 24-ին միութիւնս նոյնպէս իր մասնակցութիւնը բերաւ Ալմելօ-ի հայ առաքելական եկեղեցիի կողմէ կազմակերպուած հուշերեկոյին եւ ծաղկեպսակներու տեղադրմանը : (*Լուսանկարներ*).





ԲՈՎԱՆԴԱԿՈՒԹԻՒՆ

- ⇒ ՀԱՂՈՐԴԱԳՐՈՒԹԻՒՆ Հ.Ս.Ը.Մ.Ի ԿԵԴՐՈՆԱԿԱՆ ՎԱՐՉՈՒԹԵԱՆ Դ. ԼԻԱԳՈՒՄԱՐԻ
- ⇒ Հ.Ս.Ը.Մ. Ի մասնաճիւղերու աճը
- ⇒ Հ.Ս.Ը.Մ.Ի ԵՐԻՏԱՍԱՐԴԱԿԱՆ Ա. ՀԱՄԱԳՈՒՄԱՐԸ ԱՇԽԱՏԱՆՔՆԵՐԸ ԱԻԱՐՏԵՅ ՅԱԶՈՂՈՒԹԵԱՄԲ
- ⇒ Հ.Ս.Ը.Մ. Ալմելո Մեկուսի Շրջանի սկաուտները կ'նշեն Միութեանս տարեդարձը
- ⇒ Հ.Ս.Ը.Մ. Ալմելո Մեկուսի Շրջանի սրահի ռոտնագնդակի Ա.Խումբը
- ⇒ Ա. Կարգի Սեմինար
- ⇒ ՄԱՅԻՍ 28
- ⇒ Յարգանքի տուրք
- ⇒ Հ.Ս.Ը.Մ. Առնհեմ Մեկուսի Շրջանի Սկաուտական եւ Մարզական մարզահանդէս
- ⇒ Հայոց ցեղասպանութեան 104-րդ ամեակը, Ապրիլ 24 . 2019
- ⇒ Բովանդակութիւն

Հասցէ . Adres : welgelegen 8 . 7608 JZ - Almelo

Կայք էջ . Website : homenetmenalmelo@yahoo.nl

Facebook : Homenetmen Almelo / ՀՄԸՄ Ալմելո

Instagram

:



[homenetmenalmelo](https://www.instagram.com/homenetmenalmelo)

Առաջարկներու համար կը խնդրուի կապ հաստատել homenetmenalmelo@yahoo.nl ու/